

永樂大典

卷七千三百二十
六

永樂大典卷之七千三百二十六 十八陽

郎

左武郎

沿華宋史職官志政和二年詔易武選階以東上閣門副使為左武郎

右武郎

沿華宋史職官志政和二年詔易武選階以西上閣門副使為右武郎

事實宋張廣東憲集吳益轉右武郎制 勅具官某禮隆宮掖澤被私門同氣之親宜膺異寵陞副橫列廣修國恩范石湖大全集閣門宣贊舍人幹辦皇城司吳瑛施行親從推堦子可轉右武郎制 張任天下武勇以備容衛三歲校藝咸以序陞以爾選練之勞厥有成効選官懋賞其克祗承陳止齋集皇后歸謁家廟親姓忠訓郎閣門宣贊舍人幹辦軍頭司李孝純武經郎帶御器械幹辦皇城司李孝友各特轉右武郎勅制 勅具官某等朕惟古后妃有求賢審官之志而不私謁而人主則特隆於肺腑之親夫惟后妃備選人主備恩斯可觀已日者吾后省家廟爾某某皆以

永樂大典卷之七千三百二十六

猶子祇服厥事朕何愛一橫行郎而不以寵汝惟無忝爾祖以長守富貴則子汝嘉可

武功郎

沿華宋史職官志政和二年詔易武選階以皇城副使為武功郎

事實宋鄭起潛立庵集武康軍承宣使新除樞密都承旨兼知廬州王鑑故父煥已贈秉義郎可特贈武功郎制 朕歲祀合宮均釐同宇凡文武自通籍而上俾父母沾錫類之仁况秉越於帥垣宜踰綸於禡廟具官某故父某躬秉義槩素多陰功乃生守圉扞敵之臣教忠有自以顯立身揚名之孝垂耀無窮屬茲霽恩加爾慈飾尚啟異寵以佑後昆洪平齋集歸順人李燦補武功郎制 勅其人制域有華夷之辨勸功無內外之殊爾倡義來歸杖忠自奮振銳虎以貫勇屠鯨鯢而效功峻昇武階用屬壯志可 韓昱特轉武功郎制 勅具官某迺者先渠就熾于揚逆儔猶負固于楚元戎進討諸將爭奮薄城一鼓而空之東垂以寧第多來上爾戰尤力用命必賞朕不食言進秩四等總徒騎以護周廬勸功之典渥矣益懋衛上之忠增壯居重之勢可異泳鶴林集孫舜舉授武功郎制 勅具官某兵法善戰者以正合以奇勝爾聞如虓虎領我舟師當海寇橫潰之時

永樂大典

卷七三二一六

不以叱宅為勇。掩旗卧鼓。誘致而襲擒之。亦可謂以奇勝矣。朕何愛兩階。不以旌汝哉。可。程莘授武功郎制。勅具官某。昔我孝宗皇帝。嘗立奉使一司。以待材用之宅。蓋謂掉三寸舌。以伐天驕。寔難其選也。爾忠勇沉鷲。有聲臨淮。軍戎萬里之情。素知諳悉。命汝伴送。仍涉二階。以寵其行。忠信而加之以效。使不辱君命。則予汝嘉可。張大可降授武功郎制。勅具官某。朕更化之初。昭德塞遠。以禁寵賂。至嚴也。爾總戎淮西。嗣於舊染。專飾苞苴。以事交結。臺臣除墨未乾。而千里之旣卒至。其速且巧如此。何不施之用。問行師乎。特鑄一官。以勵諸將。可。

武德郎

沿華宋史職官志。政和二年。詔易武選階。以宮苑左右。驎驥內。藏庫副使。為武德郎。

事實宋韓駒。陵陽。集入內教武郎。楊楫。復入內武德郎。勅具官某。前日均慶四方。與民更始。矧嘗任使。在予左右者。哉爾以忠淳。坐法抵罪。盡還故爵。性服新恩。可。武節郎朱宗懿。可特授武德郎。勅具官某。朕承丕緒。永惟創業之難。乃作新官。以昭孝迎之福。爾預營繕。績為優賞。非汝私用。勸允百。可。蒼志。惠先主集。承議郎鄭暉。可武德郎。古者為民。扞城腹心。公侯之職也。汝學於俎豆。以儒服進。而有志事功。易從武列。夫詩書

永樂大典卷七三二一六

二

禮樂。所以為將。德刑政事典禮。所以為武也。推汝所學。勉之哉。李璧。鳳湖。集郭果子郭俊。轉武德郎制。爾父果。入扈殿后。出鎮方面。沈鷲忠勇。子之爪牙。乃者淪亡。我心用悼。加恤其嗣。所以廣恩。祥禱既終。載申前命。在唐之世。而平有子。維國有臣。前事可希。爾其知勉。洪平。齊集。膠。夢。達。轉武德郎制。勅具官某。西洛歸。已奏三京之捷。東淮平寇。猶論一壘之功。爾於是行。普效其力。疊進官而示賞。雖去職以知禁。可表蒙齋集。膠。夢。達。特轉武德郎制。勅具官某。朕方以信賞厲將士。爾有戰多。雖久不發。然哉。朕我褒寵。思報効馬。具泳。鶴。林。集。董有恭。授武德郎制。勅具官某。朕登大寶。允潛邸。服後之臣。咸霽優恩。今一周星矣。爾援。委。比。以請。朕何敢獨遺汝耶。益懋忠勤。思對休寵。可。童德。興。降。授武德郎制。勅具官某。賞罰軍國之紀綱。不可以無章也。爾董師閩粵。執訊獲醜。予嘉乃績。峻陞五階。賞既不薄矣。而乃惱淫貪戾。控于吏評。朕安得已罰乎。其歸二級。以責後効。可。趙時。僕。授武德郎制。勅具官某。朕於后戚之家。不欲以恩撓法。然東朝既上尊號。命作冊寶。則推報親之恩。以廣逮下之仁。亦義之所不容廢也。用錫爾官。住其祗服。可。

武顯郎

沿華末史職官志政和二年詔易武選階左藏庫東西作坊副使為武顯郎

武節郎

沿華末史職官志政和二年詔易武選階以莊宅六宅文思副使為武節郎

事實宋韓駒陵陽集入內武經郎殿中省尚舍奉御武儒可入內武節郎制勅具官某朕布德施惠俾民自新事在赦前皆勿聽治爾嘗坐累情實可矜稍復故官無懲前事可張廣東憲集環衛宗室士志換武節郎制勅具官某朕惟環衛宗子入則奉朝請退而無私交蓋親之也或請試吏以術業自見則夷考其素而命之亦不汝違以爾脩潔矜慎操行有聞俾歸銓曹易階而仕蒞官行法自此始矣可不勉哉劉行簡若溪集右千牛衛將軍士濬依例合換武節郎制勅具官某朕博叙近屬列處環衛厚其廩秩而不煩以官職之事至有欲自見其才願出補吏者亦所不拒馬爾寅恭造朝閱歲既久因其有請易界官序俾之從政其率義蹈憲毋或惰偷以違官諒則于汝嘉可共平齊集鄧雲轉武節郎制勅具官某山東逆傳負固淮楚大振絕跡之氣一空孤克之群制闕第功爾嘗鏖戰進官四等護戎湖右其日夕淬礪以稱信賞可王旻武節郎制勅具

宋集大典卷七十三百三十六

三

官某山東逆傳負固淮楚大振絕跡之氣一空孤克之群制闕第功爾嘗鏖戰峻升武級用獎曉雄仍額戎律之嚴坐鎮邊城之重祇承異渥勉策奇勲可李安國持轉武節郎制勅具官某比歲蜀關失馭清旅逆逸為民害甚於寇爾薰潔忠義奮揚馳雄扼險要待其來民恃以無恐果山至今德之增秩旌勞嗣有褒擢可洪适盤州集知漣水軍夏俊轉武節郎制勅具官某義奮發有志功名一障汗遙備宜勞勩是增命秩以令轅門吳泳伯林集章鐘授武節郎制勂具官某等朕以文母躋附於廟凡曰戚屬序遷有差予以報坤元成物之施也爾其惟忠惟孝答此寵榮可崔福叙復武節郎制勂具官某李廣恂恂如鄙人朱然欽欽如對陳古之良將不以叱咤為能也爾闕如城虎維揚城下大小數十戰勇則勇矣以言上令爾得無過乎甄叙元官尚圖補過可成穎達叙武節郎制勂具官某往歲書川之變鷗冠之士為狂寇汙染隸於丹書者不但汝一人也當來朝慶壽七十湛恩汪濊與祥風俱朝如爾元官亦宜甄叙可林熙載授武節郎制勂具官某乾道置舍人之負淳熙增解職之賞孝宗之待閭門可謂重矣朕勵精之始率由舊章昇爾爵林之麾釋爾某闕之務則於一官又何愛焉可

武畧郎

沿華宋史職官志政和二年詔易武選階以內閣洛苑如京崇儀副使為武畧郎

事實宋張廣東憲集張奉頰換給武畧郎制 勅具官某爾頃在川陝立功累勞或需軍需運補五官率用帥闕使宜蓋從權也今列上有司請易以真夫王言作命誠有不可已者 張奉頰換給武略郎制 勅具官某頃在漢中累勞應賞率用帥闕使宜增秩今列于有司請易真命申錫贊書尚往 欽哉

武經郎

沿華宋史職官志政和二年詔易武選階以西京左藏庫副使為武經郎

事實慶遠志何旦為士人以遺賞補班借職官至武經郎宋張廣東憲集龍神衛四廂都指揮使寧州觀察使王權父克常贈武經郎 勅朕外敦隣盟內隆孝治誕敷惠澤以綏四方惟時在服之臣咸舉顯親之典具官故父某抱材不試履行有聞積善既深有子而顯屬茲大賚宜厚慈章增秩之策式光坐壤孫觀鴻慶居士集張淵武經郎制 戎虜盜邊一方騷然爾以勇氣聞於西陲却敵陷堅以固吾圉論功宜賞進秩一等以勸爾

永樂大典卷七千三百二十六

四

勞益修來勅嗣有龍章汪藻浮溪集王琪贈武經郎制 頃者姦民侵敗王略守險旅拒犯吾額行爾以偏裨出從主帥先登陷陳沒元身朕惟死者人之所甚難而至於主易死者非根於忠義嗜克爾哉是用盡然進官二等尚期精爽不昧欽承 鄧起潛立卷集降訓武郎平江府許浦駐劄御前水軍副都統制兼知泗州趙東復武經郎制 使功不如使過績過莫若以功頃制臣謂爾有違迺之罪戒之是也今復謂爾有角闕暴露之勞可不勸乎可罰可賞爾所自取或奪或予朕亦何心盡復故官勉圖來勅 武翼郎沈師尹復武經郎制 爾頃以暴戾于罰茲以教宥復厥官毋謂既復而不知悔 洪平齋集淮西強勇軍統制呂深轉武經郎制 勅具官某迺者山東逆侮敢犯王峯大振繞虎之氣亟正鯨鯢之誅制聞第功以爾夔戰進官三列仍統一軍其日夕淬礪以稱信賞可 楊燿贈武經郎制 勅具官某爾結髮從戎熟知虜勢赤心報國竟死邊鋒陞再級以示褒 俾列屯之知勸可 吳駟特轉武經郎制 勅具官某統將中軍濠為之佐贊籌幙府每難其材爾從元戎備殫蛇畫蟻禁一列毋替忠勞可 江陵府副都統孟洪特轉武經郎制 勅具官某方城為城漢水為池天險也制閫設險加嚴峙勇餘其存重濬深培高屹然金湯之固第

勞來上。爾實程督。進秩二等。用勸事功。可兵泳鶴林集陳大紀。授武經郎制。勅具官某。刑之類。額。獄之放紛。國備所恥也。爾守雷陽。不靖共于位。而乃穿屬邑之令。壑鄰州之守。且與汗戶。戍及無辜。其為額。放紛不以多乎。鐫汝一階。寔為寬典。可。林景衡授武經郎制。勅具官某。閩門解罷。稽其功緒。而進以官。淳熙善典也。爾素閑朝儀。出領遊障。遽以老及玷于臺評。昇之祠廩。所以示懲也。今吏銓以解職之賞為請。仍進一官。所以示勸也。勸懲是用。朕亦何心之有可。張旺授武經郎制。勅具官某。往歲江西捕賊。有司上首功。率各有差。爾總師于與官軍大小二十七戰。出則在諸營先。實則居功臣次。亦退然有馮將軍之風矣。其防一階。以勸諸校。可。徐弼授武經郎制。勅具官某。海瀕之民。不霑王化。結約諸峒。弄兵僭瓊之間。爾攝守昌化。分遣官軍。左倚右截。衝散舟於石牌。滴下徑。取鯨鯢而戮之。亦可謂為功矣。陞之二階。以勸諸將。可。劉元實授武經郎制。勅具官某。等。朕執爵賞之柄。以取其章。爾朴幹才之敏。爾元實職掌之勤。雖曰沂邱戚屬。而勸敏寡過。所以叙運有差。示不私也。然而幸豈可數哉。爾宜勿懈于位。可。李大聲授武經郎制。勅具官某。江右盜起。朝廷設封賞之科。以迪有功。爾統率淮軍。糾敵王懷洗賊巢。而殲之。遂使一方之民。復還有生之樂。亦可嘉矣。晉職三階。以勵諸將。可。

宋史職官志政和二年詔易武選階以

武義郎

沿華宋史職官志政和二年詔易武選階以
西京作坊東西染院禮賓副使為武義郎

事實宋張廣惠受轉武義郎制。勅具官某。間者盜發武崗。峰屯境上。爾統率士伍。斬獲為多。其增一官。以示信賞。起潛立庵。集金州觀。察使添差。准東馬步軍都總管賀靖父。已贈訓武郎。永壽特贈武義郎制。朕以犧牲玉帛。歲事合官。而推其福於中外。為人子者。舉得光榮。其親所以廣孝治也。具官某。父某。積善有餘。克昌厥後。是生賢息。為吾虎臣。屬茲霽恩。申加愍師。以示教忠之勸。疊而不昧。其克顧哉。

武翼郎

沿華宋史職官志政和二年詔易
武選階以供備庫副使為武翼郎

事實宋韓駒。陵陽。集王孝忠。換武翼郎。勅具官某。士有鷲勇之姿。沉毅之略。雖身在絕域。朕豈遠之哉。驟命之官。佳思自奮。可張廣惠。集紀道。轉武翼郎制。勅具官某。頃者群醜弄兵。擾吾赤子。爾職在巡警。斬獲有功。是宜褒嘉。以昭信賞。鄭起。潛立庵。集故忠訓郎。與元都。統制司中軍統。

永樂大典

卷七三二六

制權知巴州杜沂贈武翼郎制 守禦捍敵之臣誠死城郭封疆爾爾守巴郡提師嬰敵轉戰累日以衆寡不敵而歿可謂死城郭封疆者矣朕甚痛之爰詔司勳進官而錄其後忠魂未泯歆我慈章虞備尊白堂集興州統制祿禧牧馬賞授武翼郎 朕惟軍中牧養之令歲稽其殿最之數而賞罰之爾善於其職而不乏吾事主帥以名來上何愛一官不以為爾寵乎洪平齋集同鼎武節郎來伯友武翼郎王聞顯武節大夫呼延賞武翼郎制 勅具官某等漢開降者封賞之科唐著異域歸忠之傳爾委身王國効力遠城疊二秩以升華肩一心而圖報可 龐謙轉武翼郎制 勅具官某滌陽介于兩淮恃城以為固修堞植圯爾與有程督之勞進官二列用示激厲厄職棘門勿憚艱辛可李福遜竹溪集陽魏永昇換給武翼郎 朕念師老敵堅士卒苦戰有功必錄不以疑廢爾久於行伍累賞得官執符而來不加考覆而易以真命可謂優矣其勉爾忠以圖報稱吳泳鶴林集張范降授武翼郎制 勅具官某風俗之好為欺誕文武一律也爾為浙西兵鈐以權運覓官言之則利析秋毫行之則一毫不盡寧不誤我王事哉其上一階尚云寬大可 終夢達降授武翼郎制 勅具官某昔嚴延年為河南守坐選舉不實貶秩然所舉但獄吏爾況長百里之寄

者哉爾擢自右科出來邊障意謂必能友賢字民以開布大信碑舉之際既失其平尚何以慰吾塞外吏士耶一秩之謫實遵漢法可 齊敏授武翼郎制 勅具官某盜起廣右朝廷設封賞之科以勸有功爾總戎于歸奮身不顧援弓赴敵射殺渠魁厥功高矣雖以遠平江西之勞晉秩三級然賞不嫌重朕何愛一資而不以旌汝可 姜昂贈訓武郎李師舜贈武翼郎制 勅具官某等往者盜憎官吏弄兵三衛爾等乃能率羸弊之俗當鷓張之冠躬冒矢石致殞元身其時望風先奔者有聞矣各贈三官仍錄其孤魂而有知尚服休寵可 劉燾贈武翼郎制 勅具官某紅賊負國家海涵春育之恩穴我淮楚爾統轄樓船攻打淮陰城壁為飛矢誤中遂殞元身亦可憫矣贈官字孤庸妥管魄可 關安義馮琳並授武翼郎聞康民授保義郎聞康年授忠翊郎制 勅具官某等朕以美人聞氏違事先朝命之不淑至于云逝茲攬遺言以近屬轉秩為請寧不惻然道汝一階勉祗厥命可 周善授武翼郎制 勅具官某頃者龔賊不式王命出沒建郡之間爾統殿司兵自成所赴唐石盡銳鏖戰殄穢渠兇卒能洗賊巢而空之汝之功勳其偉哉晉陟二級以勵三軍可 張旺授武翼郎制 勅具官某三衛密運餉司頃者愚民盜弄株於山谷間長吏失職

不能緩安。至勤王師。越境擒捕。豈直朕本心哉。有司上功。進爾二秩。庸示褒勸之典。可。張翼降授武翼郎制。勅具官某。昔我孝宗。矜恤歸附。憫其貧則與四任添差。試其才則與歷務差遣。載在實訓。可履視也。爾中原遺民。仗義歸我。祇從淮右。亦既有年。授汝以護戎之官。華汝以轉秩之寵。此皆舊比。往服新休。可。黃公輔降授武節郎。何杞降授武翼郎制。勅具官某等。昔我真宗皇帝。謂交廣之民。去朝廷遠。當選操心平允。能安遠人者任之。爾杞守橫州。殖貨自豐。不恤其屬。是操心不平矣。爾公輔守象州。苛取重斂。征及士夫。是不能安遠人矣。朕於往訓。寔有愧焉。各賜二階。可。鍾興嗣降授武翼郎制。勅具官某。昔我孝宗。軫念兩淮。戒飭疆吏。應佃田植桑。馬草木炭。不許科抑人戶。明訓具在也。爾守歷陽。科率數倍。又越四條之外。民何以堪。持鎬二階。仍奪祠廩。少慰遠方之民。可。許應龍。東湖集趙冲何泉等。並授武翼郎。孔武有力。拱扈嚴宸。服勤累年。挽強應格。並授勇爵。仍錫身章。往服榮恩。勉圖忠報。

敦武郎

沿華宋史職官志政和二年詔易武選階以內殿承制為敦武郎。

宋史職官志卷七十三

七

事實宋韓駒陵陽集郭六斤換敦武郎賜名片制。勅具官某。士為氣俗所激。思建事功。而以速放棄之。則非朕兼取之意也。今命爾官。往體予意。可。修武郎韓消捕賊有功。可敦武郎。勅具官某。爾自行伍。授職軍門。踊躍先登。計級受爵。至通朝籍。可謂壯士矣。可。從義郎賈晏。武翼郎兼義郎元亨。敦武郎。勅具官某等。三路之盜。汝實碎之。累增其官。尚勤汝力。可。張廣東寇集。張令衍轉敦武郎制。勅具官某。爾者淮境有備。廟算足資。爾祇事機庭。厥勞可錄。增秩示勸。益勵乃勤。尚惟寅轉敦武郎制。勅具官某。爾者嚴奉。慈寧典冊。以爾乃第。祇事有勞。預增秩之賞。援例自言。請馳恩于汝。往服申命。圖報母恩。可。祁慙押川。陝馬特轉敦武郎制。勅具官某。爾隸從闈外。積有戰多。駟駿西來。復勳調護。有功則賞。朕何新焉。併頒贊書。以為爾勳。張德純換給敦武郎制。勅具官某。頃者關陝用兵。第功行賞。爾於行陣。預有勞能。屢被優恩。尚稽真授。茲用易界。其務欽承。趙永轉敦武郎制。勅具官某。爾者汝陰之戰。士氣百倍。爾於行陣。新獲居多。莫府策功。躡陞朝秩。申錫書命。式勸爾志。劉行簡。茗溪集王松改轉敦武郎制。勅具官某。爾奮身戎行。以勞見錄。併陞官秩。是曰異恩。益勵後圖。無羞朕命。可。王勝。叙復敦武郎制。勅具官某。爾以事貶

秩。既洗心前。甄叙之恩。務從優比。宜知奮勵。以稱寵榮。可。殿前司拍試。到舊行門孫佐。王節。周寬。李勝等。武藝。與換教武郎制。勅具官某。爾以。虎士。警衛周廬。易界官職。是惟舊典。服此休命。無改厥勳。可。長入祗候。東西班。都知。權信。可教武郎制。勅昔顏高之弓六鈞。技或未。進。而由基之射七札。忠則無聞。爾陞職有年。復工乎射。比加閱試。藝。頗絕倫。往即銓曹。界官武列。服于寵命。毋忘効忠。可特授教武郎。

修武郎

沿革宋史職官志。政和二年。詔易。武選階。以內殿崇班為修武郎。

事實宋韓駒。陵陽集。劉守授修武郎制。勅具官某。朕於武爵。非輕也。自。一級以上。再閱然後遷。至于陞朝。可謂難矣。爾徒以義勇。一朝而得之。勿謂得之易。而守之不勤。可。劉延暉等。補修武郎制。勅具官某。世維。上文。兼收武士。翹聞負重。無不勇之。爾等資稟。勇而好義。量才授爵。往奮其奇。可張廣。東。集。朱洵。轉修武郎制。勅具官某。聞者。盜發武岡。擾吾赤子。爾親戎行。預有勞效。置增厥秩。以示優恩。臧琳。轉修武郎制。勅具官某。山陽為郡。據兩淮要害之地。往時主將。嬰城自守。汝在其中。有。足嘉者。增秩二等。庸示不忘。王貞。換給修武郎制。勅具官某。聞者。宿。

永樂大典卷之三十三

兵。陝西。師出屢勝。爾於行陣。嘗立戰多。而師間。以便宜補官。猶稽真授。茲。從易界。以為爾榮。劉千。修武郎制。勅具官某。國家置司市馬。厥費不。貲。爾部送在途。覽者過半。奪官一等。姑示薄懲。魏葵。轉保義郎。吳忠。轉。承信郎。彭孚。轉修武郎制。勅具官某等。比遭虜使。通問軍前。爾等嘗從。其後。與有馳驅之勞。肆增厥官。以為爾寵。霍青。換給修武郎制。勅具。官某。頃者。關陝用兵。膺公屢奏。爾於行陣。斬獲為多。命秩之褒。尚稽真授。茲。用易界。其克欽承。高遇。孫成。並轉修武郎制。勅具官某等。聞者。敵。人來侵。王師禦侮。爾居行陣。斬賊執俘。錄爾之多。增秩二等。往服朕命。益。勵乃忠。劉俊。村。績。集。殿前指揮使。左右班。包秀。等。特授修武郎制。爾服。勤禁衛。積閱歲時。乃序情而聞勞。俾參選而入仕。可。鄒起。潛。立。庵。集。故。承。信。郎。充。瓊。州。樂。會。縣。令。唐。仲。珍。贈。修。武。郎。制。君。子。疾。沒。世。而。名。不。稱。死。事。尤。所。當。恤。也。爾。初。階。右。列。為。瓊。之。樂。會。令。亦。有。志。於。事。功。者。遭。值。寇。擾。提。兵。勇。往。遇。寇。而。殲。朕。甚。憇。焉。進。官。而。錄。其。後。庶。幾。出。壤。知。我。追。復。故。進。義。副。尉。袁。陽。忠。義。中。軍。統。制。孟。宗。德。贈。修。武。郎。制。恤。死。事。所。以。屬。名。節。也。端。乎。秦。陽。之。難。爾。一。門。忠。義。父。子。死。敵。功。著。而。官。未。顯。身。歿。而。名。不。彰。何。以。旌。既。往。而。勸。將。來。超。以。勇。爵。併。錄。其。孫。忠。魂。如。生。敵。我。恤。典。衛。後。

樂先生集團信所寄班祗應排辦國信所禮物趙大雅改名飛英應辦人便到闕十次轉修武郎制 隣使來庭禮有常度爾嘗執事第勞應格俾通一階是為優賞思所以稱此哉可洪平齋集李敏補修武郎制 勅具官某虜情巨測以問為寄爾戍安豐深察情偽不為利誘仍放戰多超授武階用旌知義可吳泳鶴林集俞海等二十五人並授修武郎制 勅具官某等拱扈殿庭歲月滋久程其功藝屢張不衰引見授官厥有彝典往祗寵命勿替忠勤可 彭忠厚叙復修武郎制 勅具官某節義天下之大聞寬大聖朝之厚德雪川之變衣冠之被污者不但汝一人也東朝慶壽七十舊染之習咸與維新如爾元階特與甄叙可 宋復右贈修武郎制 勅具官某功疑惟重識於商書賞疑從予筆於漢史爾以制府之令送虜使於河南與他盜遇衆寡不侔櫻其鋒而鐵馬亦可憫矣有司以功上難者疑之豈予忠厚之心哉贈秩錄孤用責營魄可 馮勝贈修武郎制 勅具官某往者逆全煽亂承楚征討之士大者數百戰小者亦不下四五六七伐爾敢勇効力射陽之役乃能截水斷橋與賊血戰累戰數十合而竟齋志以殘豈不可哀也哉贈秩字孤以甄壯烈可 鄧起贈承信郎祝邦國贈修武郎制 勅具官某等往者岷冠慢防與師討擊汝職隸

宋史大興卷七十三百二十六

九

統兵敵王所愾爾以氣吞賊遂殞元身功既當贖忠尤可憫追還厥秩仍隸其孤死而有知尚服休寵可 黃正邦贈修武郎制 勅具官某恭人之優擾漢民舊矣百年王土半入夷腹皆由朕之不德亡以綏遠爾為萬安義丁之長乃能直搗徑洞復其侵邑寇僅蓋平而元身亦殞矣躡升武階姑樹旌紀可 賈嗣明授修武郎制 勅具官某漢置令丞吏掌守陵園今以內供奉官給事洒掃親之也爾端良敬謹入侍左右朕聞其勞轉歸吏銓祗護攢官無曠厥職可 邵克忠授修武郎制 勅具官某慶壽東朝揚徽寶冊薄海內外咸沐湛恩况爾威屹外屬可遺錫慶耶特陞一階往服 嘉命可

從義郎

沿革宋史職官志政和二年詔易武選階以東頭供奉官為從義郎

事實宋韓駒陵陽集乘義郎孟洪轉從義郎制 勅具官某往歲浙江民窮為盜武夫禽獲豈足為勞有司文章不計首級功疑惟重益屬狀恩可張廣東憲集蒞晉換給從義郎制 勅具官某爾以死事之孤早列勇爵奮身行陣屢立戰多承制遺官尚稽真授中錫書命以為勳榮 吳仲舒

永樂大典

卷七三二六

轉從義郎制 勅具官某禮隆官掖澤被私門爾以近親宜需寵渥陞秩
二等庸修國恩 衡門轉進等並授武翼郎郭遇等並授武郎宋訓等
並授修武郎畢換等並授從義郎制 勅爾等入扈禁嚴閱歲滋久臨試
便殿挽疆可觀咸命以官俾之從政益思忠恪以稱恩休孫觀洪慶居士
集秉義郎張安國轉從義郎制 朕初嗣服都邑震驚文武之臣宣力中
外褒功錄善邦法有常爾祗畏保躬廉勤服采進位一等以懋爾勞往踐
厥官無忘愍慎張孝祥于湖居士集勝捷都虞候謝興換從義郎制 汝
服勤戎昭既有年所其還軍候往即官職吳泳鶴林集揚福興降授從義
郎制 勅具官某昔劉光世奏枯枯生德高廟斥之曰軍中有十萬鐵騎
乃為祥瑞其他皆不足信夫哉王言朕常寶之以為御將之方爾總師于
當遣鎖告嚴不能圖上方略而乃繪芝草以獻此又光世之所不為者其
上一階以為疆吏誕說者之戒可 黃鼎換授從義郎制 勅具官某紹
省之臣以供奉至尊為職歲月滋久賦祿銓曹舊法也法以取幸朕不汝
私益懋厥勤祗服予采可 葉芾授武德郎劉鑄授武經郎劉允晉授從
義郎制 勅具官某等朕以文母璿紉于廟凡奔走殿庭莫不叙遷有差
爾等掌司奏記蒞職惟謹各進華秩以示褒嘉爾母曰一官可以倖得也

永樂大典卷七三二六

十

可 江海叙復從義郎制 勅具官某善將者御軍以律爾縱其下肆掠
邊氓豈得無過乎撫輯降附以恩爾結其心捍禦敵境豈得無功乎積功
以補過證赦以叙官朕於誅賞廢置亦何心之有可 徐晞契叙復從義
郎制 勅具官某兄弟不相及吉之刑章也爾兄晞履屨帥淮安風力不
豫啓亂納侮固不得不戒其咎而於汝何與焉罷以白簡叙之丹書朕亦
何心之有哉 張裕授從義郎制 勅具官某朕衆建女士秩跡外朝信
國夫人朱氏寔主于內者命之不淑至於云亡遺言以屬吏轉秩請寧不
惻然進爾一階勉共厥服可 章煥等五人並換授從義郎制 勅具官
某等給事殿庭閱歲滋久程其功績法當授官往參武階益懋忠報可
鄭恢先權授從義郎制 勅具官某長淮千里護風寒者不過數處而浮
光安豐尤其要也爾書生耳當隨騎馳驟之衝乃能式遏其虐勵戰士汰
冗軍又以勞著是則可賞矣特陞二秩勉竭孤忠可 趙章贈從義郎制
勅具官某曩歲馳虜度劉西墜凡官軍吏士望風而奔潰者肩相摩地
相屬也爾為統兵官乃能親率孤軍馳敵師而死焉亦可謂勇於義矣追
贈三階持官一子九原有識尚克敢承可 戴必勝贈從義郎制 勅具
官某朕惟殄於王事載之金科玉條溺死其一也矧以殿殿將領躬督糧

儲。饒渡漆河。而无身遺。頃矣。豈可不哀也哉。追封五秩。仍字其孤。尚其管魂。歆我恤典。可。沈宣之贈從義郎制。勅具官某。住著海陵。初復。經理鹽城。爾為督運官。共禦王事。屢瘁服役。至于淪亡。亦可哀矣。超增四階。以旌營壘。可。温林。贈從義郎李威。贈兼義郎。呼延斌。贈忠羽郎。揚顯贈承信郎制。勅具官某等。往歲。黠兵。聞我蜀口。狼奔獸突。孰敢少嬰其鋒。爾等或起身行陣。或仗義歸朝。各將一軍。誓滅虜賊。天胡不佑。竟殞元身。說者謂非木皮嶺一戰之力。則疑必不肯委蜀而去。念功飾佳。併字其孤。以妥英魂。以作義氣。可。

兼義郎

沿筆宋史職官志。政和二年。詔易武選階。以西頭供奉官為兼義郎。

事實宋劉才邵。彬。漢集。劉永叔。兼義郎制。勅朕待下。以寬。記功使過。况嘗竭節。其肯忘之。茲用叙復官職。仍俾自效。恩既厚矣。圖報之志。爾其勉哉。可。韓駒。俊陽。集趙敏。修。狀堂。姪李爽。李衷。兼義郎。勅具官某等。漢有武爵。以賞戰士。然其所賜。不過一級。朕嘉爾等。忠義有聞。曠授官資。住輸勳力。可。儒林郎俞積。可兼義郎制。勅具官某。盜賊群輩。患苦良民。尉能捕誅。宜有褒賞。可。歸朝人張幹。補兼義郎制。勅具官某。驚勇之臣。

宋集大典卷七十三百十六

十一

時有可用。雖在絕塞。予不汝遺。可。張廣。東憲。集高克明。換給兼義郎制。勅具官某。頃者。聞外。以便。且升。黜。爾於期會。以勞獲賞。申錫贊書。俾從其授。益思自勵。期釋恩休。都虞候潘立等。換兼義郎制。勅某人等。以列營之長。易畀右銓。雖積歲勞。時乃優典。夫解軍律。而服官政。釋介冑。而從周旋。紳笏之間。亦足以為榮矣。往服新命。毋怠欽承。羅統。轉兼義郎制。勅具官某。頃者。南蠻。踵首。服衆干紀。帥聞承命。遣兵蕩除。爾預有功。宜膺信賞。增秩一等。往務欽承。吳俊。轉兼義郎制。勅具官某。頃者。淮西。用兵。士氣百倍。凱旋第賞。亦不踰時。肆疇爾功。增秩四等。益思自奮。以稱所蒙。洪文安公小隱。集廣勇下。右副指揮使。畢秀。換兼義郎制。畢秀等。十一人。拍試引見。換官有差。爾服在。轅門。藝隆技繁。寵加官使。以獎爾勳。汪藻。浮溪。集信陽軍。義士首領。孫仲等。補兼義郎制。爾等。頃以徒衆。弄兵潢池。聞朕招携。幡然聽命。其膺銓錄。以待使命。尚服子恩。無渝所守。范石湖。大全。集勝捷。都虞候。周元。可兼義郎制。爾結髮編伍。克有戰多。易官前班。以華其老。矢心勿懈。圖稱明恩。忠訓。即柴進。修。蓋營寨有勞。可兼義郎制。爾倚功。歷。能悉忠力。典司言狀。進其武階。夙夜敬共。益淬來效。振華軍。都虞候。劉俊。為軍司。都虞候。小劉安。並可兼義郎制。爾等。

或以戰多。服勞小校。參稽軍璫。易授官班。忠力方剛。勿忘報國。衝後樂先。生集偽虜。保義副尉。梁法持授。秉義郎制。朕興六月之師。復中原之境。凡衣冠之舊族。與疆員之遺黎。孰匪故臣。皆吾赤子。爾奮自筦庫。率先來歸。俾超進於武階。示深嘉其志。尚永膺忠義。共建功名。洪平齋集。石天瑞。白華補秉義郎制。勅具官某等。方城濯征。垂軌震潰。執訊獲醜。餘燼為空。爾能自歸。貸而官使。尚圖忠効。用答生全。可具詠鸞。林某方愷。授秉義郎制。勅具官某。朕執爵賞之柄。以叙其幸。爾沂王戚屬。寄職候璫。率履惟謹。特進華秩。以示褒嘉。爾母曰名器。可以幸得也。可。

忠訓郎

沿華宋史職官志。政和二年。詔易武選階。以左侍禁為忠訓郎。

事實宋恭宗禮北海集。承奉郎趙良翰。可持興換忠訓郎制。勅具官某。爾挾占卜之技。遊公卿之門。實緣受知。假託入仕。謂當蓋匿。稍自矜持。乃因擾攘之時。輒露姦污之跡。既傷風教。實玷搢紳。願難冒於文階。俾更從於武選。往安爾分。其革乃心。可許輪襄。陵集迪功郎。上官宏。邊功。換授忠訓郎制。爾以贊為郎。而邊臣奏功。具名來請。朕弗之逆也。而改爾之秩。以從武列。尚圖報効。毋介寵榮。張廣東。憲集。李謹。轉忠訓郎制。勅具官

永樂大典卷七千三百二十六

十二

某。黃海之利。國計之所資也。推行無方。則害良法。爾以增羨聞於有司。亦可謂能稱其職者矣。陞秩示勸。尚勉之哉。楊青。王琪。張臯。並轉秉義郎。馬進。轉忠訓郎制。勅具官某等。聞者淮上用兵。士卒爭奮。爾以驍勇。斬獲為多。載壽爾功。用頒信賞。肆增厥秩。益勵乃忠。鍾樛。牛子正。並轉忠訓郎制。勅具官某。聞者盜發湖湘。依險拒敵。爾等挺身行陣。斬獲居多。其增一官。以示信賞。張攸。序。轉忠訓郎制。勅具官某。禮隆官掖。澤及外家。母舅之親。宜同其慶。陞秩二等。庸侈國恩。楊千。轉忠訓郎制。勅具官某。頃奉大將之檄。獻俘于朝。戒慎在塗。有勞可錄。增秩一等。是為優恩。劉行簡。若溪。集都虞候。郭永。王金。劉千等。遇明堂大禮。合該換授忠訓郎制。勅具官某。爾等。名在赤籍。積日累勞。易畀官職。是為舊典。往祇厥事。以稱茂恩。可具詠鸞。林某。陶珩。授忠訓郎制。勅具官某。給事官省之。臣積勤寡過。是為稱職。進秩一等。以旌其勞。祇服寵榮。尚克知勸。可。丁信。授忠訓郎制。勅具官某。永城。面雒陽。背靈壁。舌大縣也。洽。既久。再歸職方。郡將之任。是艱其選。爾往衆障。已越一年。撫字防托。備殫勞勩。朕用嘉之。特進華階。以勸邊吏。可。張龜壽。授忠訓郎制。勅具官某。昔代北墜田。歲收二十萬石。省度支二十萬緡。唐朝賴之。

爾總志義兵。受制府旨。意乃能勸督。往丁。悉力開擊。三年所入。物以石計者。幾四十萬。遂使國家省漕運之費。遣兵無庚癸之呼。何惜一階。不以旌汝。可。

忠翊郎

沿華宋史職官志。政和二年。詔易武選階。以右侍禁為忠翊郎。

事實宋韓駒。陵陽。集。成。忠。郎。張。行。忠。可。忠。翊。郎。勅。具。官。某。守。臣。言。爾。總。戎。其。爾。効。官。甚。勤。營。壘。鼎。新。功。為。第。一。考。實。宜。賞。序。遷。益。欽。可。迪。功。郎。史。子。淵。可。忠。翊。郎。勅。具。官。某。自。漢。以。來。尉。職。盜。賊。能。者。禁。暴。戢。姦。使。不。得。發。其。次。廣。設。方。略。發。即。禽。制。汝。為。其。次。者。朕。尚。有。賞。况。能。厥。官。乎。往。思。勉。之。可。張。廣。東。憲。集。常。得。賢。換。給。忠。翊。郎。制。勅。具。官。某。聞。者。關。陝。用。武。幕。府。第。功。爾。預。有。勞。普。書。信。賞。易。以。真。命。益。務。欽。承。劉。迪。轉。忠。翊。郎。制。勅。具。官。某。爾。等。入。衛。行。闕。歲。月。滋。久。進。秩。一。等。武。祿。其。勤。都。虞。使。劉。德。換。忠。翊。郎。制。勅。具。官。某。爾。以。列。營。之。候。謹。於。虞。服。職。滋。久。有。嘉。忠。勤。爰。因。大。賚。之。恩。俾。易。右。銓。之。列。益。圖。報。効。以。稱。所。蒙。闕。立。換。兼。義。郎。李。順。換。忠。翊。郎。制。勅。具。官。某。等。出。入。禁。衛。亦。既。有。年。時。其。夙。夜。之。勤。俾。正。

永樂大典卷七千三百二十六

十三

右銓之列。往復官政。尚勉之哉。呂言贈忠翊郎制。勅具官某。江西群醜弄兵。爾以王事遇諸塗。而後贈官二等。并錄其孤。死而有知。尚歆吾寵。趙善獨轉忠翊郎制。勅具官某。爾以宗支。頃遭淪陷。憐邦不學。志尚可嘉。脫身來歸。宜示褒勸。贈秩一等。益勵爾忠。鄭起潛立庵集。故借補承信郎。淮東制置司帳前統制趙祥。贈忠翊郎制。自古皆有死。為國而死。雖死不死也。頃虜犯安豐。爾指驅赴援。血戰數十合。身被數十鎗。不能救。爾于鋒鏑之下。爾死固得其所。朕為動心傷痛。宜詔司勳。進官而錄其後。忠魂未泯。飲我懸章。具泳鶴林集。揚雄秦隆俱贈忠翊郎制。勅具官某等。往歲轉虜。度劉西陸。凡官軍吏士望風而潰者。肩相摩地相屬也。爾以金司統兵官。出援漢沔。與虜鏖百丈嶺下。馳敵師而死。馬可謂勇於義矣。追贈五階。各官一子。九原有識。尚克飲承。可。賈佑贈忠翊郎制。勅具官某。魏冠西陸。首犯鳳集。辛卯之役。汝佑再戰。而虜再北也。未幾而生。兵日滋。汝與寔與世隆俱巷戰而死。所謂三則竭矣。特昇三階。仍官一子。以示朕恤功之意。可。李宗紀授忠翊郎制。勅具官某。朕並建妃嬪。助理陰教。凡其戚昵。咸與優恩。汝其思名器之不韙。往效共而靡懈。可。洪平齋集。董昇葛仙白身補忠翊郎制。勅具官某等。拔自材官。成吾邊壘。勇而

永樂大典

卷七三二六

知義不墮賊謀登名勇爵之榮勵志事功之會可

成忠郎

沿革宋史職官志政和二年詔易武選階以左班殿直為成忠郎

事實宋李彌遜竹溪集郭賁贈兩官成忠郎制春秋之法死王事加二等爾臨敵致命奮不顧身朕何惜不追進官資以為爾地下之榮乎尚其有知歆此殊寵韓駒陵陽集蕃官厄降轉成忠郎制勅具官某爾終日力戰斬首捕虜上功幕府應格當遷可張廣東憲集許明轉成忠郎制勅具官某朕惟慈寧寔嚴實視膳問寢之地爾於營繕預有勞能其增一官以為爾勳姚之紹換給成忠郎制勅具官某爾頃以忠勤嘗從羈縻蒙賞進秩尚稽真授申錫書命益務欽承藍安道轉成忠郎制勅具官某爾奉帥閩之檄護送罪人有勞道途阻修屢薄良苦肆增厥秩其務欽承劉義換給成忠郎制勅具官某頃者闕陝用武帥閩第功爾執干戈嘗與賞秩易以真授茲為爾榮其務欽承益圖報効劉深轉成忠郎制勅具官某黃海之利國計所資會課歲終以增羨聞非善於其職者弗能也增秩示賞以勸其餘喬遵轉成忠郎制楊志寧王叔並轉成忠郎制

永樂大典卷七三二六

十四

忠郎制勅具官某爾等比從近臣將命于外道途阻修行役良苦增秩一等以勞其還孫觀鴻慶居士集校尉潘迪保義郎李山成忠郎制城下之戰大將以敗績聞聞三時而禪佐以卻敵之功來上超進位等不汝瑕疵無忝厥官往圖報稱鄭起潛立庵集白身進士徐子寅特授成忠郎制武功有爵自漢為然上功幕府以爾提兵禦寇之勞以武立功以武命爵宜也其疎異渥改昇新命勉圖事功毋卑鷗冠而不知勸忠翊郎前韶州兵馬監押周昇在任不法降成忠郎制勅具官某爾為兵官而州家以佚業囚來諗雖會恩不汝貸也其鑑一階以警慢事可具沐鶴林集蓋天祐贈成忠郎制勅具官某性歲馳騎度劉西隄豕突獸奔罔有當其鋒者爾奮身義旅攝郡汚陽撫輯派移曾未安宅敵王所愾遽領元身可謂死於義矣贈秩錄孤以旌毅魄可李宗瑛俞燿並授成忠郎制勅具官某等周爵后族見於詩者獨元舅中伯而已後之光寵外親者恩數復廣爾等以冊寶之恩陳乞轉官朕何惜此然食其榮而怠其事則有取幸之法在可雍浚授從義郎張元長授忠訓郎節公正授成忠郎制勅具官某等朕退朝之暇務學為先廣廈對儒臣之英露門徹皇祖之訓凡而屬吏咸與推恩其懋忠勤以服休命可李璧鳳湖集忠翊郎劉元鼎

降保義郎。從義郎辛應降忠訓郎忠翊郎馬晟。降成忠郎制。朕惟御軍以嚴固也。亦必恩信素結其心。而後法行。而人不犯。爾等幸以拳勇。備數行間。苟能仁恤士卒。正身率下。則雖虓虎之倫。可使畏威。安若兒女。何致猖狂。朕聞如彼無忌。哉。鑄官貶職。姑示薄懲。尚迪予訓。勉殫來効。

保義郎

沿革宋史職官志政和二年詔易武選階以右班殿直為保義郎。

事實衢州府開化縣志保義郎王進。紹興二十五年。將兵來衢。捕克寇死。事贈兩官。仍官一子。且見其碑。止之。其外宋劉才邵。杉溪居士。集前沂補保義郎制。勅使宜補官。蓋一時之權。必考實於銓曹。乃加真授。所以慎名器也。爾既旌裁。竦錫贊書。祇服恩榮。益圖報稱。可。林貳補保義郎制。勅明於禍福。捕獲凶酋。躡授官資。用彰信賞。且以為改自新者之勸。益圖後効。以稱茲恩。可。閻達轉保義郎制。勅國家設為軍賞。以獎戰多。輕重視功。用伸激勸。爾奮身巡徼。捕寇有勞。宜進厥官。是為褒典。往其祇服。毋怠宣勳。可。韓駒陵陽集武舉侯拂等與保義郎制。勅具官某等。朕策士于庭。以觀其所學。臨試技擊。以觀其所能。爾等博貫軍書。或善騎射。按圖故彙。授官有差。入仕之初。其勳勿懈。朕有高爵。惟子大夫勉之。可。

永樂大典卷七千三百二十六

十五

賜朝官率府副率張慶譽。換保義郎制。勅具官某。國家武爵。以寵軍功。爾職得之。其可不勉。可。張廣東憲集王喜。轉保義郎制。勅具官某。爾頃由蜀道入。扈禁嚴。匿薄民勳。宜有褒賞。進官一等。其務欽承。韋珪補保義郎制。勅具官某。朕惟母后言還。普天同慶。爾以近親之懿。實從六觀之行。宜有異恩。以昭寵渥。肆命爾秩。往務欽承。李璋轉保義郎制。勅具官某。爾者盜發嶺南。良民驚擾。爾乃仗義首奮。自備畧糧。殄滅為期。功狀甚著。增秩二等。式勸爾忠。宋晁轉保義郎制。勅具官某。爾者奉上慈寧。兩寶。爾以祇事有勞。久而未錄。肆增爾秩。以示朕恩。王靖轉保義郎制。勅具官某。爾頃奉大將之檄。獻俘于朝。護視良勳。不可無賞。增秩示勸。為爾之榮。衛康祖轉保義郎制。勅具官某。朕惟典司內省。歸屬惟勤。故於涖官之初。肆增祿秩之渥。載稽令典。聽以賞延。以爾恭慎恪勤。於禮無越。雖緣父寵。時乃國恩。其思修己之方。以圖報上之効。皇后宅門客實安國。轉保義郎制。勅具官某。禮隆官掖。澤被家庭。匪朕爾私。事存盛典。增秩二等。庸示異恩。高俊補保義郎制。勅具官某。爾激於忠義。既身來歸。肆命以官。以為爾勳。宜思自効。無怠乃心。張全轉保義郎制。勅具官某。爾頃遺滄海。脫身來歸。節義足嘉。可無褒勳。增秩一等。以

勵爾忠。趙橫補兼義郎郭進。劉義補保義郎制。勅具官某爾等夙慕忠義。不忘本朝。偶隔封疆。而致淪陷。脫身歸正。良用歎嘉。肆命以官。以爲爾寵。劉鼎換給保義郎制。勅具官某聞者。關陝用兵。士卒爭奮。第功帥闕。爾亦與焉。易命以真。茲足榮矣。以忠爲報。尚其勉之。孟德轉武翼郎。程進轉保義郎制。勅具官某頃者。群醜嘯聚。擾吾良民。爾於戎行。立功自奮。肆頒信賞。庸爾寵嘉。孫觀鴻慶居士。集下班祇。應張顯保義郎制。朕以勇爵勸天下之士。爾以身殉國。破敵而還。有司第勞。超進位等。性思勉勵。膺此寵榮。誓忠惠先生集奉聖旨。哲宗皇帝隨龍人拱衛大夫王琮。身亡。其合得轉官恩例。特許回授男王仲詢。補保義郎制。朕追述先朝。凡左右違事之臣。靡有所遺。雖不有年。使世其祿。於以勸爲人後者。爾實預被。無忝所生。許應龍東澗集。閻良臣可特改補保義郎制。掖庭進封。稽之舊比。表裏咸屬。悉霑恩渥。矧爾積德慶門。實生賢媛。肆頒成命。改界官資。尚服寵榮。益殫恪謹。周益公集。保紹郎衛百揆。父經。年九十三歲。依紹興三十一年九月二日明堂赦。補保義郎致仕制。勅某人三代省方之制。久廢不講。未暇延見高年也。故國家每肆大青。必出爵以禮之。是亦古之遺意歟。有司言爾子在官。爾年應格。故推宗祀之慶。而以一命加焉。

永樂大典卷七十三百六

十六

往祇寵榮。尚保終吉。可李壁。屬湖集。謝秉文。降保義郎制。致使無貳。禮律所嚴。乘險僥倖。心則何忍。爾欲進官。獨無他時乎。匿服自陳。衆莫安在。此於孝治之朝。不可以無詰也。貶秩二等。尚體寬隆。往誦蓂莢之章。別圖顯揚之報。劉復村。績集。長入祇候殿侍。廬進等。換授保義郎制。禁衛換授之法。以年勞。亦以斗力。汝於二者。應格。可以出而仕矣。可張紫微。集蓋城。轉保義郎制。爾戮力從軍。宣勞勵衆。兩受權宜之令。一頒寵錫之恩。銓次功能。叙陞階品。往祇異數。益勵壯圖。可保義郎。劉行簡。著溪集。林子堯。等補保義郎。係從賊黨。出首自新制。勅具官某。慶賞之設。非但勸善。苟知過而自新。則亦在所錄焉。蓋忠厚之至也。爾頃陷非類。既而悔之。轉敗爲功。審於自擇。寵之命秩。其尚知榮。可任希夷。斯庵集。魏世南。父九十。一歲補保義郎制。賜高年爵。所以導民孝也。苟有子服在仕版。則視民庶。特優。又以厲士志也。爾以耆齡。適應吾令。爰頒命秩。昭示寵榮。益務效忠。以稱朕渥。王斌。田芝。招說。知順昌府。樊辛。歸正。有勞。各補保義郎制。朕兼愛南北。以爲我祖宗受命。民凡在殊鄰。久隔王化。嚮方而歸。皆予迪簡。爾善爲說詞。有招携來遠之功。我有勇爵。與爾縻之。具泳。鶴林集。朱海。叙復保義郎制。勅具官某。楚首前逆。冀賊褒凶。將軍之功。獨有扼天長。

行唐石耳。清流。胃賞之事。獲若為賊仇民。汝得無過乎。今既以赦原矣。其叙三階。庶無貳過可。陳頌文授保義郎制。勅具官某人。蓋彼蠻獠。敢干王略。陷我赤縣。百年于今。爾能奮不顧死。深入其隄。盡平招納。咸迪有功。特命以官。維忠之勳可。羅昉授承節郎制。李進授保義郎制。勅具官某人等。葱山之民。曠悍弗戢。俘掠我赤子。怙終不悛。爾等職為運尉。鳩率隸丁。盡力擒捕。以正官刑。亦可嘉矣。各陞一級。以勳有勞可。田有容轉保義郎制。勅具官某。務川城當梓柯要路。頃者諸峒夷人。畧我省地。爾受郡將方畧。逆戰而前。夷人奔北。而不復反。亦可嘉矣。陞之二階。以致不怠遠之意可。洪夢龍贈保義郎制。勅具官某。富沙異虎之變。上首功。率皆鷄冠之士。勳以百數。汝以布衣諸生。掉三寸舌。與其子大誥入營。諭賊賊將就擒。汝罹羈主之禍。亦可盡傷也矣。身以武爵。子以文階。尚願欽恤之典可。施暉等四十五人。並授保義郎制。勅某人等。給事殿庭。闕歲滋久。挽強及格。換授武階。各懋忠力。以答休寵。可。洪平齋集。歸順人李義承節郎。張瑀。李德。魏瑤。保義郎制。勅具官某。討叛以誼。懷服以仁。職渠貸賚。歸斯受之。爾能革心。美愛勇爵。祇戴寬恩。勉圖報効。可。趙應惠轉保義郎制。勅具官某。王后六服。周主以奄女御及美。實從其役。爾為

宋史卷之七十三百二十六

十七

承節郎

沿華宋史職官志。政和二年。詔易武選。以三班奉直為承節郎。

事實宋史列傳。韓世忠為勇副尉。時有詔。能得方臘首者。授兩鎮節。賊世忠潛行溪谷。直搗其穴。格殺數十人。禽臘以出。辛興宗領兵截峒口。掠其俘為已功。故賞不及世忠。別帥楊惟忠還闕。直其事。轉承節郎。宋許翰襲陵某黃宴寶。可承節郎制。爾能深入谿洞。斬賊醜虜。陷銳不顧。傷夷可矜。秩以官禁。厲厥忠勇。蕃官莫延堂。納土補承節郎制。盛時普。履連人咸賓。谿洞阻深。籍土來請。嘉爾首奮。忠孝精白。被以恩華。往為榮耀。余彌遜竹溪集。張安國。換給承節郎制。爾以勞入官。越時既久。比如考績。載錫命書。祇服恩榮。益恭乃事。關亮等承節郎制。胡馬亂華。列城震擾。爾等被堅禦侮。費勇鏖戰。具有勞績。爰陞品秩。再錫命書。往服恩榮。益思報効。韓駒。陵陽集。承信郎。劉公序。可承節郎制。勅具官某。惟后審官。

永樂大典

卷七三二一六

恩無濫與勤勞之吏爵秩乃增可 東義郎周統授承節郎制 勅具官
 某迹汝所坐履棄誠宜稍甄叙之無玷前愆可 承信郎王錫捕賊有功
 轉承節郎制 勅具官某平賊之賞小大不遺汝乃自言益增爵級可
 承信郎王往轉承節郎制 勅具官某朕命元戎撫安北土汝隸麾下奏
 凱還歸定功序遷往欽毋忘可 蔡懌轉承節郎制 勅具官某露峒僚
 蠻持擾吾圍吏能捕斬則序遷之可 鄭公臣男進興持補成忠郎賜名
 興狼臣轉男角宿特補承節郎賜名宿制 勅具官某士履行陣視死如
 歸各捐一官以寵其子可張廣東憲集李煥轉承節郎制 勅具官某朕
 問遣輔臣出疆修聘爾從是役屢簿良勞俾增一官以為爾報 樊礎轉
 忠翊郎樊玘轉承節郎制 勅具官某等增秩之賞聽延其嗣蓋國家之
 制也爾以父恩遂膺茲典中錫命書以為爾榮爾其奉公律身圖難於其
 易則汝責塞矣 羅無咎轉承節郎制 勅具官某間者群醜囂張官兵
 捕除爾以有勞應推信賞肆命增秩注其欽承 趙績轉承節郎制 勅
 具官某爾以藝勇入衛周盧頃因需恩例需優賞其增厥秩用勸爾忠
 特奏名宗室趙伯浩趙彥堪趙善淵保義郎趙績之等並授承節郎制
 勅具官某等朕術三歲之制臨軒策士諷以當世之務雖吾同姓之親亦

永樂大典卷七三二一六

十八

必試以言而後官之示至公也爾等接武蓬掖誦語于廷文采斐然有足
 嘉者庶爾以爵尚克勉之 林通林覺祥並轉承節郎制 勅具官某等
 間者海道防秋廣集戰艦爾以材勇應募有勞其增一官以為爾勸 劉
 琦孫榮並轉承節郎制 勅具官某士有奮忠異域帥衆來歸雖其部曲
 之卑亦忘艱險之甚嘉爾志節用錫恩榮歸命以官毋忘報稱 陰臯轉
 承節郎制 勅具官某頃者坤維帥閩遣兵入衛爾護送在道屢簿良勤
 肆增厥官尚圖報稱曷立方歸惠集趙彥璧取應合格承節郎制 汝群
 宗室子程試有司而中其選雖不及預集英之游特昇一官於汝寵矣許
 景衡橫塘集林朝佐可承節郎制 勅具官某爾攝事遠邑督捕群盜有
 司議賞道易武階往其欽承益務忠勇可洪文安公小隱集承節郎王元
 慶降一官制 趙汝 趙汝 趙汝 趙汝 趙汝 趙汝 趙汝 趙汝 趙汝 趙汝
 服事天府不思祇敬厥職而乃庇妓受賂罰可逃乎奪爾一官往其知懼
 汪藻浮溪集大洪山僧守珍補承節郎制 頃者群盜賊行攻圍城邑汝
 營塢壁招輯鄉閭既衛善良亦除凶惡其忠可錄何惜一官尚勉之哉母
 忘後效 進納陳真可承節郎制 國家用兵有節者死有財者輸所以

能濟也。汝入金縣官。蓋知此意矣。往登仕版。無忝朕恩。李壁鳳湖集周索
 特轉授承節郎制。朕選建墳塋。出於名族。凡其親屬。慶賞具延。爾用此
 得官。斯為優幸。尚思祇畏。以稱所蒙。陳止齋集格取應宗子時信等四十
 二人授官。第一名補承節郎。餘補承信郎制。勅某等。有司考試之法。至
 嚴密也。而獨優於宗室子。夫既闕畧以取之。而授官與眾相等。則非所以
 示公。始屬右銓。以須器使。可劉行簡著漢集曹國彥改正授承節郎制。
 勅具官某。爾奮身行陣。嘗有顯勞。載錫命書。俾更秩序。尚思勉勵。以稱所
 蒙。可衝後樂先生集江淮宣撫司契勳王皋。康源。當王師吊代之初。能背
 戎嚮。葉為首率眾。捕殺海口。巡檢夾古阿打。并副巡檢夾古尚叔。忠憤可
 嘉。今欲各與補承節郎制。朕與北伐之師。慰遺黎之望。爾等率眾効順。
 背戎嚮華。斬虜來降。載嘉忠憤。錫之命秩。尚勉後圖。可洪平齋集王陞轉
 承節郎制。勅具官某。造幣之楮。來自蜀道。爾督綱程。靡有稽失。進秩一
 等。用酬勞瘁。可。崔興。王信。劉旺。彭立。劉政。王才。彭辛。王用。並補承節郎
 制。勅某人等。壽春兩寨。分扼東西。爾能效忠。寇不敢犯。登名勇爵。益屬
 功多。可。盧進。李聚。朱廣等。二十六人。歸順。補承節郎制。勅具官某等。
 王道以舍逆取順為貴。人情以用夏變夷為難。唐鄧歸疆。爾能自拔。爵之

永樂大典卷三十三百十六

十九

賜升為我王官。祇服恩榮。毋怠。可。吳泳。鶴林集趙希坪補承節郎制。勅
 具官某人。景元子孫。宣力四方。道宗破虜。孝恭平賊。史冊書之。以為奇事。
 然未之奇也。當辛卯。韃虜犯蜀。潰賊跨州。連邑長民之官。多委印綬而去。
 爾以宗英。無尺兵在手。乃能仗義團集。保守東方。奇於道宗。孝恭矣。何惜
 一官。不以愧守城者。可。趙宗。無授承節郎制。勅具官某。國家以進士
 科。舉法試宗子。自熙寧始。大庭唱第。汝實應格。錫之武爵。往服恩光。可。
 趙與度。授承節郎制。勅具官某人。朕以進士科。舉法待宗黨。其選優者。
 鴻臚唱第。汝實應格。錫之武爵。尚懃厥勳。可。黃守禮等八人。授承節郎
 制。勅某等。拱扈殿庭。歲月滋久。執事有恪。挽強不衰。引見推恩。那有弄
 典。祇承休命。毋替忠勤。可。劉珪。授承信郎。王珪。孟仔。劉章。換授保義郎。
 孟佺。換授承節郎制。勅具官某等。漢有弓高之封。唐有契苾之將。僕曰。
 慕義可仁。馳恩爾生。于殊鄰。式我景化。既禰除於偽號。合補正於王官。益
 單忠勤。嗣有褒擢。可。范龍。翔授承節郎制。勅具官某。祖宗朝士。以畫
 半策。獻一詩。得官者蓋多矣。矧當郡寇猖獗之時。而能與光澤。令珍鐵。渠
 凶。誘說降附。勇於自奮。如龍翔者。是何可不賞之。授之一官。毋以文儒。薄
 我武爵。可。趙燁。授承節郎制。勅具官某。昔稱西平有子。俗乃父功。蓋

為平淮恭言也。爾於維揚城中。戮力捍寇。論功當在第一。而以父為戎帥。辭高於懇矣。特陞武階。仍典機樞。尚朕序勞之意可。趙邦傑授武德郎。徐霆授修武郎。徐昇授東義郎。陸文彪授成忠郎。楊福授成忠郎。尹必勝授忠翊郎。袁達。陳青。李福。曹旺。李如璋。蔡王。李海。張聰。丁亮。許實。馬昇等。並授保義郎。曹暎。紀智春。並特授承節郎制。勅具官某等。朕以親人。來庭。遣使致聘。擇汝等為之屬。將命出疆。各進一階。以示寵。其思謹飭。以佐而長。成禮還歸。嗣有褒用。可。官兵晏仙。宋元。贈承節郎制。勅具某等。功疑惟重。識於虞書。實擬從予。筆於漢史。當道發江右。智者効其謀。勇者効其力。而爾元爾仙。實奔走厥事。不幸死矣。有司以功上。難者擬焉。豈子忠厚之心哉。贈官字孤。屬安營。可。將官劉政。李昱等。並贈承節郎制。勅某等。曩歲。韓兵圍鳳集。批河池。與吾忠義總管田遂。鑿馬嶺。下爾等。各領民兵。能佐而長。馳敵師而死焉。可謂死於義矣。各贈華階。以旌毅魄。可。童彥從。贈承節郎制。勅具官某。往者下襄漢之兵。收復新息。爾統率一軍。勇於敵愾。首掠賊陣。戰酣而賊馬。退縮。每生者當知愧矣。贈秩字孤。尚朕恤功之意。可。朱先。贈承節郎制。勅具官某。曩歲。韓虜。度劉西。陲。我軍望風而潰。者有相摩。地相履也。爾將義丁。乃能偕孫子。馳敵師而死焉。可謂得死所矣。追贈一階。以愧西師之每生者。可。張青等。並贈承節郎制。勅具官某等。往者全賊。授首餘黨。遺誅。王命不忒。致履天討。爾等奮不顧身。摩壘而進。射陽湖之捷。方聞。而竟以元身。殞於鋒鏑之下。朕用愍焉。進秩錄孤。以旌毅魄。九原有知。尚歎。可。丁杰。授承節郎制。勅具官某。詩曰。芻之單芻。施于中谷。蓋言后妃之德。宣著盛大。而光榮。延被九族也。爾聯戚椒房。曾受武爵。比因冊寶。例與推恩。進陞一階。其服休寵。可。王信之。授從義郎。李孝嗣。授成忠郎。黃琳。授承節郎制。勅具官某等。宜城為嶺南控扼。夷蠻之地。河池其要衝也。往者淺鑿。慢防。侵我王畧。爾等獎率官軍。盡銳鏖擊。遂使賊兵望風。納疑。遣圍寧。汝之功也。各遷二階。懋圖志報。可。

永樂大典卷之七千三百二十六

重錄總校官侍郎臣高拱

學士臣陳以勤

分校官修撰臣丁士美

寫書官司務臣黎民表

圖照監生臣馬宗孝

臣卷連第